

**ZAPISNIK SA 34. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 26.09.2017.GODINE**

Prisutni: D. Smital; E. Čengić; S.Topalić; Dž. Kahrica; N. Žuga; G. Brkić; N. Hodžić; B.Hamzagić; M. Grbo; D.Miljević; M. Baručija; E. Fočo; N. Arnautović; M. K. Pašalić; O. Bukić;

Odsutni: N. Čordalija; - opravdano

Gost: J. Sogović

Dnevni red:

1. Zapisnik sa 33. redovne i 11. vanredne sjednice
 - prisustvo na sjednicama
2. Minimum procesa rada u slučaju štrajka (BHRT)
 - Odluka
 - Sporazum
3. Aktuelna situacija u BHRT-u
4. Finansije
5. Izvještaj i specifikacija BSO za juli i avgust 2017 (N. Žuga)
6. Dodjela pomoći
7. Razno
 - penzioneri
 - M. Mizić ugovor
 - prosjek plata

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 34. sjednicu UO SSR u BHRT-u i predložio dnevni red koji je jednoglasno usvojen. Zapisnici sa 33. redovne i 11. Vanredne sjednice su također jednoglasno usvojeni.

Članovi UO sindikata su dobili tabelarni prikaz prisustva na sjednicama u 2017-oj godini koje je napravio i pripremio izvršni sekretar, zbog čega je D.Smital još jednom skrenuo pažnju na ozbiljnost u radu te obavezno prisustvovanje članova UO sjednicama i aktivno učešće u radu istih.

AD 2. Sindikat je dobio od menadžmenta BHRT-a prijedlog Odluke o minimumu procesa rada u slučaju štrajka, koja će, ukoliko je UO SSR BHRT-a prihvati, biti dostavljena Vijeću ministara na odlučivanje. Također, dostavljen je Sindikatu i Sporazum o minimumu procesa rada u slučaju štrajka, kojim se preciznije definišu odredbe Odluke koji bi trebao potpisati Sindikat sa BHRT-om. D.Smital je pročitao zaključke povjereništva Podružnice RTV koja podržava davanje saglasnosti na Odluku o minimumu procesa rada u slučaju štrajka i Sporazum o minimumu procesa rada u slučaju štrajka, koji je dostavljen od strane BHRT-a i smatra da je neophodno da Sindikat stekne pravo na štrajk kako bi imao alat za borbu za prava radnika BHRT-a. Dž.Kahrica je upoznao UO da je održan sastanak povjereništva Podružnice Imovine koja također podržava prijedlog Odluke o minimumu procesa rada u slučaju štrajka i Sporazum o minimumu procesa rada u slučaju štrajka. Podružnica PEP-a također podržava prijedlog odluke i sporazum. D.Miljević je istakao da Podružnica IT Centara ne podržava ovu odluku i sporazum zbog broja ljudi koji je predviđen u IT Centrima u slučaju štrajka. N. Arnautović je istakao da je i Podružnica Muzičke produkcije protiv ove odluke i sporazuma. D.Smital je stavio na glasanje prijedlog Odluke o minimumu procesa rada u slučaju štrajka. UO je glasao; 10 ZA, 2 PROTIV i 3 SUZDRŽANA. Prijedlog Odluke o minimumu procesa rada u slučaju štrajka nije dobio potrebnu većinu glasova UO sindikata u prvom krugu glasanja i odluka nije mogla biti donijeta.

Postupajući u skladu sa članom 25., stav 3. Poslovnika o radu UO, D. Smital je kao predsjedavajući sjednice UO, iznio dodatna pojašnjenja o proceduri donošenja Odluka za koje je potrebna 2/3 većina ukupnog broja članova UO (12 članova) i postavio pitanje da li sadašnji članovi UO Sindikata imaju pravo uskratiti pravo na štrajk bilo kojem UO Sindikata u budućnosti, a samim tim i radnicima BHRT-a.

Dž.Kahrica je istakao da bi članovi UO Sindikata trebali znati da su odluka i sporazum o minimumu procesa rada uslov za bilo kakav oblik štrajka, u bilo kojem slučaju.

Nakon duže rasprave i konsultacija unutar pojedinih podružnica, pristupilo se drugom krugu glasanja u skladu sa članom 25., stav 3 Poslovnika o radu UO. Na zahtjev D. Smitala glasalo se pojedinačno: D. Smital ZA, E. Čengić ZA, S.Topalić ZA, Dž. Kahrica ZA, N. Žuga ZA G. Brkić ZA, N. Hodžić ZA, B.Hamzagić ZA, M. Grbo ZA, D.Miljević ZA, M. Baručija ZA, E. Fočo ZA, N. Arnautović PROTIV, M. K. Pašalić ZA, O. Bukić ZA.

D.Smital je konstatovao da je UO Sindikata donio Odluku o saglasnosti na prijedlog Odluke o minimumu procesa rada u slučaju štrajka sa 14 glasova ZA i 1 PROTIV. Nakon toga je stavljena na glasanje Odluka o Sporazumu o minimumu procesa rada u slučaju štrajka. Odluka je usvojena sa 14 glasova ZA i 1 PROTIV.

D.Smital i S.Topalić su izvjestili UO da su održali 19.09.2017.godine sastanak sa pomoćnicom generalnog direktora za razvoj g-đicom Dženitom Jusufbegović koja je nastupala po ovlaštenju generalnog direktora, obzirom da nije imao vremena da ih primi u vezi aktuelne finansijske situacije. Rukovodstvo sindikata je dobilo informaciju da se na računu BHRT-a nalazi oko 120.000KM, što je dovoljno za isplatu toplog obroka i karte za prevoz, ali tog dana, zbog softverskog kvara, nije bilo moguće izvršiti bilo kakvu uplatu sa računa.

D.Smital je parafrazirao Dž.Jusufbegović: “ Menadžment će donijeti odluku na onaj način kako Sindikat bude odlučio. Može se isplatiti topli obrok i karta, ali će to odložiti isplatu plate 7-10 dana i neće se moći isplatiti krediti ili da sindikat donese odluku da se skuplja novac za isplatu plate.”

D Smital je na to odgovorio da rukovodstvo ne može donositi takve odluke i da će menadžment dobiti konačni odgovor sindikata nakon konsultacija sa cijelim UO Sindikata. Također je iznio da su nakon tog sastanka, potpredsjednica Topalić i on, telefonski konsultovali sve članove UO. Nakon telefonskih konsultacija UO Sindikata je donio zaključak većinom od 12 glasova:

Sindikat ne može donositi takve vrste odluka, mi nemamo mandat za to i donošenje takvih odluka je posao menadžmenta. Posao Sindikata je da traži od menadžmenta ono što su radnici zaradili.

D. Smital je dodao da je taj zaključak sindikata prenesen u kasnim poslijepodnevrim satima istog dana pomoćnici za razvoj generalnog direktora, kako se zbog eventualnog čekanja stava Sindikata ne bi odlagala eventualna isplata naknada. S. Topalić je dodala da im je rečeno da bi uplata toplog obroka i karte odložila isplatu plate na vrijeme za minimalno 7 dana, jer bi nedostajao taj iznos od 120.000 KM.

U srijedu 20.09.2017.godine Dž. Jusufbegović je obavjestila D.Smitala da je odluka menadžmenta da će se skupljati novac za platu.

U petak 22.09.2017. godine sindikat je dobio informaciju da na računu ima oko 300 000KM. D.Smital je tada uputio dopis generalnom direktoru sa zahtjevom za hitnim sastankom u ponedjeljak 25.09.2017.godine, jer radnicima nije isplaćena nijedna naknada u mjesecu

septembru. Sindikat je u ponedjeljak dobio odgovor od generalnog direktora da nije u mogućnosti sastati se sa rukovodstvom sindikata i da je spreman doći na UO Sindikata u utorak. Nakon pribavljenog mišljenja svih članova UO telefonskim putem, većina članova UO je odbila prijedlog generalnog direktora sa 12 glasova PROTIV i 4 ZA.

Zbog odbijanja prijedloga generalnog direktora, otvorena je duža rasprava na kojoj su S.Topalić i G.Brkić još jednom ponovili da je ova odluka pogrešna i da je generalni direktor trebao biti na sjednici UO Sindikata, a zbog trenutne situacije u BHRT-u.

D.Smital je upoznao UO Sindikata o zaključcima Povjereništva podružnice RTV Produkcije koji glase: Povjereništvo podružnice RTV Produkcija podržava zaključak UO SSR u BHRT-u od 19.09 u kojem stoji da Sindikat ne može donositi odluke o redoslijedu isplata potraživanja radnika i da je to posao menadžmenta. Povjereništvo podružnice RTV Produkcija, traži reakciju UO SSR u BHRT-u ukoliko do petka 22. 09. radnicima ne bude isplaćena nijedna naknada.

Dž.Kahrica je iznio da je zbog jako lošeg finansijskog stanja radnika u Podružnici Imovina, koja je održala sastanak Povjereništva neposredno prije sjednice UO, stav te podružnice, također da UO mora reagovati, jer radnicima nije uplaćena nijedna naknada u septembru. UO Sindikata je donio zaključak u kojem se zahtjeva od menadžmenta BHRT-a da do 15.10.2017.godine donese i prezentuje plan isplate dugovanja prema radnicima. Trenutna dugovanja prema radnicima BHRT-a su dvije plate, dva topla obroka, jedna naknada za prijevoz, neuplaćeni porezi i doprinosi za penziono osiguranje 28 mjeseci, kao i neuplaćeni doprinosi za zdravstveno osiguranje od februara 2017.godine. Zaključak je donesen sa 14 glasova ZA. G.Brkić nije glasao.

Sjednicu UO Sindikata u 14.02.sati su napustili S.Topalić i G.Brkić.

Zbog loše finansijske situacije, UO Sindikata je jednoglasno usvojio saopštenje za javnost u kojem ponovo upozorava sve nadležne na više nego katastrofalnu finansijsku situaciju u BHRT-u i zahtjeva od Poslovnog odbora BHRT-a da isplate naknada radnicima budu prioritet, jer u septembru radnici nisu dobili ni marku. U saopštenju se ističe da je SSR u BHRT-u organizirao proteste, aktivno učestvovao na svim seminarima i konferencijama u vezi sa BHRT-om i Javnim servisima, te je iznosio konkretne mjere i poteze za izlazak iz krize, pokretao kampanje za naplatu RTV takse i informiranje javnosti o stanju u BHRT-u.

Sjednicu UO Sindikata 14.08.sati je napustila M.Kurtović Pašalić a u 14.19.sati N.Arnautović.

AD 4 Izvještaji o finansijskom poslovanju sindikata za mjesece juli i avgust 2017. godine su primljeni k znanju.

AD 5 Izvještaj o poslovanju sa BSO osiguranjem za mjesece juli i avgust 2017. godine su primljeni k znanju.

AD 6. Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobiju sljedeći članovi; Jasna Garibović 300KM, Suad Čorić 300KM II dio, Sabahudin Koso 200KM Idio, Jasmin Pehadžić 100KM, Muradif Demirović 500KM I dio, Ekrem Agić 200KM, Samir Muharemović 200KM, Muharem Kovačević 100KM.

Ukupno 1900KM. Poklon bonove DM-a za rođenje djeteta u iznosu po 200 KM dobili su Elma Ruhotina, Emir Holjan, Arnes Teletović i Vedad Hodžić.

Prijedlog komisije za dodjelu finansijske pomoći jednoglasno je usvojen.

AD 7 Dž.Kahrica je iznio problem ljudi koji su otišli u mirovinu a koji zbog neplaćanja doprinosa za PIO, ne mogu ostvariti istu i zbog finansijske situacije su sada bez primanja ali i bez zdravstvenog osiguranja. UO Sindikata je jednoglasno usvojio prijedlog Dž.Kahrice da se u narednom periodu uputi dopis sa upitom u vezi ljudi koji zbog neplaćanja doprinosa ne mogu otići u zasluženu penziju.

E.Čengić je iznio problem M.Mizića koji radi kao novinar i reporter sa ugovorom asistenta reditelja, a ne može dobiti ugovor u skladu sa stručnom spremom i poslovima koje radi i pored dopisa koje su slali urednici prema menadžmentu. Dogovoreno je da sindikat traži od M.Mizića dopise koji su poslani u vezi ugovora. Nakon prezentovane dokumentacije, UO će podržati zahtjev za izmjenu ugovora u skladu sa poslovima i stručnom spremom koje kolega posjeduje.

E.Čengić je predložio da se traži prosjek plata po sektorima za prvu polovinu 2017.godine. Prijedlog je jednoglasno usvojen.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital